

كلمة .. و.. وعد...!!

لما تشوف أمل فى انسان

مرسوم على كلمه ووعد

وقلبك بالامان مليون

مطمئن هتساعدك يد

وتلاقي الامل جبان

وهرب وقت الجد

وتلاقي نفسك مخدوع

موجوع عرقان فى البرد

صوتك ممنوع من الرد

والدنيا فاضيه حواليك

مش شايف قدامك حد

اللى ساند ضهرك خرع

وحيطانه مايله هتتهد
كذاب خسيس مش جدع
قلبه للعداوه ألد
وترجع تعيد حساباتك
في اللي خان الوعد
تلاقي جواك ثباتك
قادر ...ع الدنيا يرد
يقول لك في الصدمه حكمه
اخرج من جوه الظلمه
وارجع تاني شوف الورد
وهاقول لك كلمتين بجد
النار تزيل الصدا من
الذهب في الحريق
والنار تظهر في المعدن

جماله تحيي البريق
ورب ضاره نافعه
تلاقي الترياق في العض
حاول للرضا توصل تفوز
هتلاقي جواك كنوز
خلي يومك تفاح وموز
والقشر في قفص القرد..

